



BOSNA I HERCEGOVINA
 PARLAMENTARNA SKUPŠTINA
 BOSNE I HERCEGOVINE
 PREDSTAVNIČKI DOM
 Komisija za vanjsku trgovinu i carine
 Broj : 01 /3-011-441/01
 Sarajevo, 25.07.2001.

Z A P I S N I K
sa 6. sjednice Komisija za vanjsku trgovinu i carine
Predstavničkog doma Parlamentarne skupštine, održane 25.jula 2001.godine

Sjednica je počela u 12,30.
 Sjednicom je predsjedavao Tihomir Gligorić, predsjedavajući Komisije.
 Sjednici su prisustvovali: Ramiz Vilić, Senad Šarganović, Ljubomir Kovačević,
 Ibrahim Đedović, Emina Začiragić i Omer Filipović.

Opravdano odsustvovao sa sjednice Mirko Baković.
 Sjednici nije prisustvovao Zoran Spasojević.
 Ispred Vijeća ministara BiH - predlagača Zakona sjednici prisustvovao Milenko Tošić,
 pomoćnik ministra vanjske trgovine i ekonomskih odnosa i Ljuboje Čedomir,
 rukovodilac Odjeljenja za carinsku tarifu.
 Za sjednicu Komisije je predložen i usvojen sljedeći

D N E V N I R E D

1. Usvajanje Zapisnika sa 5. sjednice Komisije
2. Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine (sa Carinskom tarifom BiH koja čini sastavni dio Zakona) i predloženih Amandmana
3. Izbor drugog zamjenika predsjedavajućeg Komisije
4. Tekuća pitanja.

Ad – 1

Zapisnik 5. sjednice Komisije za vanjsku trgovinu i carine usvojen je jednoglasno.

Ad-2

Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine i predloženih Amandmana

Predsjedavajući Komisije je istakao da je Vijeće ministara BiH dostavilo u parlamentarnu proceduru 20.6.2000.godine Prijedlog Zakona o izmjenama i dopunama Zakona o carinskoj tarifi BiH a da je carinsku tarifu kao sastavni dio Zakona sa Popisom carinskih dažbina dostavilo 06.7.2001.godine. Ustavno-pravna komisija je razmatrala predloženi Zakon na sjednici od 17.6.2001.godine i dala mišljenje da postoji valjan ustavni osnov za donošenje ovog zakona.

Ispred predlagača Zakona uvodne napomene i razloge za donošenje navedenog Zakona dao je Milenko Tošić, pomoćnik ministra spoljne trgovine i ekonomskih odnosa.

U načelnoj raspravi su učestvovali svi prisutni članovi Komisije.

Nakon obavljene opšte rasprave o Zakonu Komisija je konstatovala da su načela Zakona utvrđena na odredbama Ustava i da postoje opravdani razlozi i neophodnost donošenja Zakona o carinskoj tarifi Bosne i Hercegovine.

Komisija je konstatovala da su na tekst Carinske tarife BiH predložili amandmane: Branislava Ferzanović, Zoran Spasojević i Senad Šarganović, poslanici u Predstavničkom domu.

Amandman I Zoran Spasojević

U Glavi 1. Žive životinje

“Stopa carine po jedinici mjere (dosadašnji prelevmani) brišu se, odnosno ukoliko se zadržava da se smanji i da iznosi 0,10 KM/kg žive vage”.

Amandman nije usvojen (sa 6 glasova za i 1 uzdržanim glasom) iz razloga što bi se ukidanjem ili smanjenjem stope carine pogoršali uslovi privređivanja kod proizvođača žive stoke.

Amandman II Zoran Spasojević

U Glavi 7. Povrće, korjenje i krompir za jelo i Glavi 8. Voće za jelo; kore agruma ili dinja i lubenice

“Predlaže određivanje vremenskog intervala kada je prispjeće voća i povrća i da se u tom intervalu odredi posebna taksa u dvostrukom iznosu”.

Amandman nije usvojen (sa 7 glasova za) iz razloga što je članom 19.stav 2. Zakona o carinskoj politici Bosne i Hercegovine predviđeno da Vijeće ministara BiH nakon obavljenih konsultacija sa entitetima i dobijanja njihovog mišljenja, uz tarifne stope koje su na snazi, može uvesti sezonsku stopu carine na nprerađene poljoprivredne proizvode za definisani vremenski period. Vijeće ministara donosi propise i utvrđuje uslove pod kojima se takva sezonska stopa carine primjenjuje.

Amandman I Senada Šarganovića

U Glavi 19. Proizvodi na bazi žitarica, brašna, skroba ili mlijeka; poslastičarski proizvodi

“U tarif. br 19.01 tarif.oznake 1901.90 i 1901.90 19 00 predlagač amandmana odustao da se carinska stopa sa 0% poveća na 5%” obzirom da je carinska stopa od 5% već propisana.

Amandman I Branislave Ferzanović

U Glavi 23. Ostaci i otpaci prehrambene industrije;pripremljena hrana za životinje

a) U tarif.br 23.09 tarif. oznake 2309.90 –ostalo: “kompletne krmne smjese i super koncentрати za ishranu živine,riba i stoke tarif. oznake 2309. 90 00 11- hrana za riblju mlađ” mijenja se i glasi:

“tarif.br 23.09 tarif.oznake 2309.90 ostalo:- kompletne krmne smjese i super koncentрати za ishranu riba,živine i stoke tarif.oznake 2309. 90 00 11 – hrana za riblju mlađ i kompletne krmne smjese i super koncentрати za ishranu riba”

Amandman nije usvojen (sa 6 glasova za i 1 uzdržanim glasom) iz razloga što je u toku usaglašavanje carinske tarife BiH sa kombinovanom tarifom Evropske unije u kojoj ne postoji tarifna oznaka 2309.90 00 11, nego tarifna oznaka 2309.90 10 – hrana za ribe ili morske sisare. Nakon usaglašavanja ovo pitanje će se rješiti.

Amandman II Branislave Ferzanović

b) u tarif. br 23.09 Proizvodi koji se upotrebljavaju za ishranu životinja tar. oznake 2309.90 00 19 ostalo – stopa carine 0
2309.90 00 20 – stočna hrana obogaćena melasom,đibrom,ugljenim hidratima,vitaminima,mineralima i sl. – stopa carina 0,
2309.90 00 90 – ostalo stopa carine 0, mijenja se i glasi:

“tarifne oznake 2309. 90 00 19 – ostalo stopa carine 10 + 0,15 KM/kg
2309.90 00 20 – stočna hrana obogaćena melasom,đibrom,ugljenim hidratima,vitaminima,mineralima i sl. – stopa carina 10+0,15 KM/kg
2309.90 00 90 – ostalo stopa carine 10+0,15 KM/kg “

Amandman nije usvojen (sa 5 glasova za i 2 uzdržana glasa) iz razloga što bi njegovim usvajanjem bio narušen Ugovor o slobodnoj trgovini sa Republikom Hrvatskom i dovedena u pitanje liberalizacija trgovine sa Evropskom unijom (koja

liberalizaciju trgovine sa BiH uslovljava obavezom BiH da ne povećava postojeća carinska opterećenja.

Amandman II Senada Šarganovića

U Glavi 69. Keramički proizvodi

“U tarif. br 69.02 Vatrostalne opeke, blokovi, pločice i slični keramički vatrostalni proizvodi za ugradnju, osim onih od silikatnog fosilnog brašna ili od sličnih silikatnih zemlji mijenja se carinska stopa sa 5% na 0%”

Amandman nije usvojen (sa 5 glasova za 1 protiv i 1 uzdržanim glasom) jer carinska stopa u carinskoj tarifi BiH nije data za navedeni tarifni broj nego na tarifne oznake kojih u ovom tarifnom broju ima 16. Promjenu carinskih stopa u jednom tarifnom broju nije moguće valjano izvršiti bez analize carinskih stopa u cijeloj glavi. U ovoj glavi ima 14 tarifnih brojeva. U evropskoj uniji carinska stopa za ovaj tarifni broj iznosi 2%.

Amandman III Senada Šarganovića

U Glavi 70. Staklo i proizvodi od stakla

tarif. br 70.10 Baloni, boce, tegle, lonci, fiole ampule i ostali kontejneri od stakla za transport ili pakovanje robe; tegle od stakla za konzerviranje; čepovi, poklopci i ostali zatvarači od stakla

tarif.oznake 7010.92 – 7010.94 60 00 carinsku stopu smanjiti sa 10% na 0%

7010.92	7010.93	7010.94
7010 92 21 00	7010.93 21 00	7010.94 20 00
7010 92 29 00	7010.93 29 00	7010.94 60 00
7010 92 90 00	7010.93 61 00	
	7010.93 69 00	

Amandman nije usvojen (sa 6 glasova za i 1 uzdržanim glasom) iz razloga što se smanjenje stope carine ne može izvršiti bez kompletne analize carinskih stopa ove Glave.

Amandman IV Senada Šarganović

U Glavi 72. Gvožđe i čelik

“U tarif. br 72.01 sirovo gvožđe i manganovo (ogledasto) gvožđe u blokovima i drugim primarnim oblicima” carinsku stopu sa 5% smanjiti na 0%.”

Amandman nije usvojen (sa 6 glasova za i 1 uzdržanim glasom) iz razloga što carinska stopa u Carinskoj tarifi BiH nije data za navedeni tarifni broj nego za tarifne oznake kojih u ovom tarifnom broju ima 7 od kojih jedna ima carinsku stopu 0. U evropskoj uniji carinska stopa za robe iz ovog tarifnog broja iznosi od 0-1,7%. Promjenu carinskih stopa u jednom tarifnom broju nije moguće valjano izvršiti bez analize carinskih stopa u cijeloj glavi.

Amandman V Senada Šarganovića

U Glavi 72. Proizvodi od gvožđa i nelegiranog čelika

“ U tarifne oznake 72.07 carinsku stopu sa 5% smanjiti na 0%”

Amandmen nije usvojen (sa 5 glasova za i 2 uzdržana glasa) iz razloga koji su slični navedenih uz prethodni Amandman. U ovom tarif. br koji ima 26 tarifnih oznaka dvije tarif.oznake imaju carinsku stopu 0%. Nakon pristupanja BiH WTO kada se na osnovu Sektorskih ugovora budu razmatrale carinske stope tom prilikom ovaj amandman će biti ponovo razmatran.U Evropskoj uniji carinska stopa za proizvode iz ovog tarifnog broja iznosi 1-12 %.

U raspravi po amandmanima Glave 72. učestvovali su: Omer Filipović, Emina Zaćiragić, Ramiz Vilić i Senad Šarganović i mišljenja su da je navedene amandmane potrebno usvojiti jer se oni odnose na proizvode BH Stilla iz Zenice, koji je jedini proizvođač proizvoda navedenih u pomenutoj glavi.

Zaključeno je da se nakon usvajanja Zakona o izmjenama i dopunama Zakona o carinskoj tarifi Bosne i Hercegovine na osnovu člana 5b. kojim se daje ovlašćenje Vijeću ministara da uz pribavljeno mišljenje entiteta može predložiti Parlamentarnoj skupštini BiH da donese Odluku kojom će utvrditi niže carinske stope od carinskih stopa utvrđenih u carinskoj tarifi BiH ili primjenu carinske stope slobodno, ako tokom godine nastane poremećaj u proizvodnji domaće robe odnosno ako nastane potreba za uvozom određene robe jer se identična roba ne proizvodi u količinama koje nisu dovoljne za podmirivanje industrije i stanovništva, riješi pitanje uvoza repromaterijala sa carinskom stopom roba za potrebe BH Stila iz Zenice.

Amandman VI Senada Šarganovića

U Glavi 83. Razni proizvodi od prostih metala

“U tarif. oznaki 83.09 Zatvarači (uključujući krunske zatvarače, navojne zatvarače i zatvarače kroz koje se sipa) poklopci od lima sa ili bez navoja; plombe i drugi pribor za pakovanje od prostih metala” u tarif. br 8309.90 00 00- ostalo carinsku stopu sa 10% smanjiti na 0%.”

Amandman nije usvojen (sa 6 glasova za i 1 uzdržanim glasom) iz razloga što se radi o proizvodima koji se proizvode i na BH tržištu

Ad-3 Izbor drugog zamjenika predsjedavajućeg Komisije

Na osnovu člana 27.2. Poslovnika Predstavničkog doma nije se razmatrala ova tačka dnevnog reda obzirom da sjednici nije prisustvovao Mirko Baković, član Komisije koji bi se birao za drugog zamjenika predsjedavajućeg Komisije iz reda hrvatskog naroda.

Ad- 4 Tekuća pitanja

Članovi Komisije bili su zamoljeni da do 15. jula 2001. godine dostave primjedbe, prijedloge i sugestije na Orientacioni Plana rada Komisije za 2001. godinu.

Zaključeno je da se rok prolongira do septembra 2001.godine.

Milenku Tošiću, pomoćniku ministra spoljne trgovine i ekonomskih odnosa Senad Šarganović postavio je pitanja: a) kada će biti ukinute carine sa SR Jugoslavijom; b) zašto su ukinuti free shopovi, izuzev aerodroma; c) kada će se graditi carinarnica na carinskom prelazu Izačić?

Na postavljena pitanja dobio je odgovore.

Sjednica je završena u 14,30.

Sekretar Komisije
Emira Češljarić

Predsjedavajući Komisije
mr. Tihomir Gligorić

Tihomir Gligorić